


Bayibuli y'abaana abato
Ekwanjulira



Eggulu
Amaka ga
Katonda
Amalungi



Yawandiikiddwa: Edward Hughes

Ebifaananyi bya: Lazarus
Alastair Paterson

Yakozesebwa: Sarah S.

Yavvuunulwa:
Rev. Fr. Dr. Francis Xavier Mbaziira


Yafulumizibwa: Bible for Children
www.M1914.org

©2020 Bible for Children, Inc.


Olukusa: Okkirizibwa okukoppa oba okufulumya bino,
Ebinyumizibwa kasita bitaba bya kutunda.



Yesu bwe yali ku nsi, yabuulira abayigirizwa be ku Ggulu. Yaliyita "Ennyumba ya Kitange". N'agamba nti erimu ebifo bingi. Ebifo ebyoge maka amalungi, amagazi. Eggulu ggazi era ddungi nnyo okusinga buli maka ag'oku nsi.



Yesu yagamba nti: "Nngenda okubategekera ekifo. Era bwe nngenda ne mbategekera ekifo, ndikomawo ne mbatwala gye ndi." Yesu bwe yamala okuzuukira mu bafu, yagenda mu Ggulu. Yesu yalinnya mu Ggulu ng'abayigirizwa be bamutunuulidde, ekire ne kimubaggya mu maaso.



Okuva olwo, Abakristo bajjukira Yesu kye yabasuubiza eky'okudda okubatwala. Yesu yagamba nti alidda mangwaago we batamusuubirira.


Naye Abakristo abafa nga tannadda baliba batya? Bayibuli egamba nti bagenda butereevu okubeera ne Yesu. Obutabeera mu mubiri kwe kuba awamu ne Mukama.



OKUBA AWAMU
NE MUKAMA



Okubikkulirwa, ekitabo ekisembayo mu Bayibuli,
kitubuulira eggulu nga bwe liri eryewuunyizibwa.
Ekisingira ddala okwewuunyisa kye kino nti mu
ngeri eyenjawulo eggulu ge maka ga
Katonda. Katonda ali buli
wantu, kyokka entebe
ye kw'afugira eri
mu Ggulu.



Bamalayika n'abatonde abalala bannaggulu
basinza Katonda mu Ggulu. Abantu
ba Katonda abaafa ne bagenda
mu Ggulu nabo kye bakola.
Bayimba ennyimba
ezenjawulo
ezitendereza
Katonda.




Bino bye bigambo ebimu
ebivudde mu luyimba olumu
Iwe bayimba nti OSAANIDDE
KUBANGA WATTIBWA ERA
N'OMUSAAYI GWO
N'OTUNUNULIRA
KATONDA ...




... NG'OTUGGYA MU
BULI KIKA NE MU BULI
GGWANGA N'OTUFUULA
OBWAKABAKA ERA
BAKABONA BA
KATONDA
WAFWE
(Kub. 5:9)



Empapula ezisembayo mu Bayibuli Eggulu
ziryogerako nga Yerusaalemu Ekiggya. Kinene
nnyo nnyo, nga kyetoololwa ekisenge ekiwanvu.
Ekisenge kya jjinja lya muwendo eriyitibwa
jasipa eritangalijja.




Omusingi gw'ekisenge guzimbiddwa n'amayingja
ag'omuwendu agatemagana mu langi ezenjawulo.
Buli luggi lw'ekibuga lwakolebwa mu jjinja limu
eddene ery'omuwendu.




Enzigi ezo ez'amayinja amanene ag'omuwendo
teziggalwa n'akatono. Ka tuyingiremu tulabeko
Wooo! Munda, Eggulu ate ddungi n'okusingawo.
Ekibuga kyakolebwa mu zaabu omuyoooyote
atangalijja
ng'ekirawuli.
N'enguudo
zaamu za
zaabu.




Omugga omulungi ogumasamasa ng'endabirwamu,
ogw'amazzi ag'obulamu gukulukuta nga guva ku
ntebe ya Katonda ey'obwakabaka. Eruuyi n'eruyi
w'omugga waliwo omuti ogw'obulamu, ogwasooka
okusangibwa mu nnimiro y'e Edeni.




Omuti ogwo gwa njawulo nnyo. Gubala ebibala bya mirundi kkumi n'ebiri nga buli mwezi biba byanjawulo. Era ng'amakoola gaagwo ga kuwonya amawanga.



Eggulu teryetaaga njuba oba omwezi okufuna ekitangaala. Ekitiibwa kya Katonda kyennyini kye kirijjuza ekitangaala ekyewuunyisa. Eyo tewaba kiro.



N'ensolo mu Ggulu zanjawulo. Zonna zifugibwa era si za bulabe. Emisege n'endiga ento zirya muddo. N'empologoma zikirimaanyi nazo zirya muddo ng'ente ennume. Mukama agamba nti: "Ku lusozi lwange olutukuvu tebirikola kabi wadde okuzikiriza."




Nga tutunula wano ne wali, tulaba nga waliwo ebintu ebimu ebitali mu Ggulu. Ebigambo eby'obusungu tebiwulirwayo n'akamu.

Tewali alwana wadde yeefaako yekka.



Tewali na kkufulu ku nzigi kubanga mu Ggulu ababbi,
abatemu, abalogo n'abantu abalala ababi, tebaliyo.


Tewali kibi kya
ngeri yonna
mu Ggulu.



Mu Ggulu abali ne Katonda waba tewakyali maziga. Olumu abantu ba Katonda bakaaba olw'ennaku ennyingi ebadoobya mu bulamu buno. Mu Ggulu, Katonda alisangula buli zziga.



Mu Ggulu n'olumbe teruliiyo. Abantu ba Katonda baliba ne Mukama lubeerera. Waliba tewakyali kulaba nnaku, nga tewakyali kukaaba maziga, waliba tewakyali kuwulira bulumi. Tewaliba ndwadde, tewaliba kwawukana, tewaliba kuziika bafu. Buli omu aba mu ssanyu lubeerera ng'ali ne Katonda.



Ekisingira ddala obulungi, Eggulu Iya
balenzi n'abawala (n'abantu abakulu)
abakkiriza Yesu nga bw'ali
Omulokozi waabwe, ne baba
bawulize gy'ali, nga ye
Mukama waabwe.



Mu Ggulu waliyo ekitabo ekiyitibwa Ekitambo
ky'Omwana gw'Endiga eky'Obulamu. Kijjuddemu
amannya g'abantu. Omanyi bannannyini mannya
agawandiikiddwamu? Be bantu bonna
abassa obwesige bwabwe mu Yesu.
Erinnya lyo mweriri?



Ebigambo bya Bayibuli ebisembayo okwogera ku Ggulu birimu okuyita abantu mu ngeri eyeewuunyisa.



"Mwoyo n'Omugole bagamba nti: 'Jjangu'. Era buli awulira agambe nti: 'Jjangu'. Buli alumwa ennyointa ajje. Era buli ayagala afune amazzi ag'obulamu awatali kusasula."



Eggulu Amaka ga Katonda Amalungi

Ekinyumizibwa okuva mu kigambo kya
Katonda, Bayibuli

Bisangibwa mu

Yowanne 14; 2 Abakolinto 5;
Okubikkulirwa 4, 21, 22

"Ekigambo kyo we kiyingira. Kireetawo
ekitangaala." Zabbuli 119:130



Enkomerero



Kino ekinyumizibwa mu Bayibuli kitubuulira ku Katonda waffe eyeewuunyisa era ayagala tumumanye.

Katonda amanyi nga twakola ebintu ebibi, by'ayita ekibi. Ekibonerezo ky'ekibi kufa. Naye Katonda akwagala nnyo, kyeyava atuma Omwana we, Yesu, okufiira ku musaalaba, abonerebezebwe olw'ebibi byo. Olwo Yesu n'akomawo mu bulamu, era n'addayo ewuwe mu Ggulu. Bw'okkiriza Yesu, n'omusaba akusonyiwe ebibi byo, ajja kubikola. Ajja kujja abeere mu ggwe, era naawe obeerenga naye olubeerera.

Bw'okkiriza nti kino kyamazima, gamba Katonda nti: "Yesu Omwagalwa, nzikiriza ng'oli Katonda, era nga wafuuka omuntu, olyoke ofe olw'ebibi byange, era kaakano waddawo okuba omulamu. Nkusaba ojje mu bulamu bwange, onsonyiwe ebibi byange, nsobole okuba n'obulamu obuggya, era lukye lumu, mbeerenga naawe olubeerera. Nnyamba okuba omuwulize gy'oli, n'okuba omulamu ku lulwo nga omwana wo. Amiina.

Somanga Bayibuli onyummyenga ne Katonda buli lunaku.
Yowanne 3:16

